


Klönabend 2012 fällt ut!

T'was um 1995, as ein Klöttje van Borkumers binander satten un seggt hebben: Laat uns de Klönabend van de Heimatverein maken. In ein kaart Settje wassen d'r ruum Lü, dej flieteg un mit Drifft de Baul in de Gang harrn, mit heil neeje Ideen. Seej hebben warkt un knaujet, de grote Saal was alltied moij un skier, de Gasten wassen beduust mit de Offloop van de Avend. Völ, völ Stünden wassen

nödeg, un dat bitau, na dat dagelike Wark. De Vörstand un alle Leden seggen van dusend, dusend Dank.

Man nu bin over 15 Jahren in't Land gahn un menegeine van dat Klöttje seggt, dat seej uk in de Saal sitten willn un bloot geneiten, sünder de Kopp vull. Well will hör dat verdenken. Bin wall enkelte Lü, dej d'r Lüst tau hebben, man dat bin tau minn. Nu hett dat Wark-

klöttje van de Klönabend binander seeten un beslooten, dat d'r gein Inladen kummt tau de moje Danzavend in February 2012. Halfgebacken Baul sall neit wesen un mit ein Saal, dej bloot halfvull is, will man uk neit sitten. Seej all mitnander bin bedreuvt un doodstrüeg, man viellicht helpt ein bitje Tied tau verpusten, um ein neej Koppel tau finnen.



Klönabend 2010. Eine riesiges Team engagierter Laiendarsteller vor, hinter und auf der Bühne war stets erforderlich, um den Klönabend perfekt zu gestalten. Leider fällt der Klöhnabend 2012 aus.

Foto: Frerk Veen